

## Evening Dogri (NSD)

08-05-2025

### खबरां

1. भारत नै उत्तर ते पच्छमी भारत च पाकिस्तानी फौज आसेआ हमले दी कोशिश गी नाकाम करी दित्ता। भारत नै लाहौर च पाकिस्तानी ब्हाई रक्षा सरिस्ते गी तबाह करी दित्ता।
2. प्रधानमंत्री नरेंद्र मोदी होरें अज्ज सरकार दे बक्ख-बक्ख मंत्रालयें ते मैहकमें दे सचिवें कन्नै लग्गी दी उच्च स्तरी मीटिंग दी अध्यक्षता कीती ऐ। इस दौरान राष्ट्रीय सुरक्षा बारै हाल दी घटनाएं गी ध्यानै च रखदे होई राष्ट्रीय तैयारियें ते अंतर मंत्रालय तालमेल दा जायजा लैता गेआ।
3. रक्षा मंत्री राजनाथ सिंह होरें आपरेशन सिंदूर लेई हथियार बंद बलें गी ममारखां दित्तियां ना।
4. ऑपरेशन सिंदूर गी लेई अज्ज सरकार नै पार्लियामेंट च सब्बनं पार्टियें दी इक्क मीटिंग लोआई।
5. विदेश मंत्री एस. जयशंकर होरें भारत दा रूख परतियै दोहराया, जेकर पाकिस्तान हमला करोग तां उसी सख्त जवाब दित्ता जाग।

<><><><><><>

### Pak-Escalation

पाकिस्तान नै कल रातीं ड्रोन ते मिसाइलें राएं अवंतीपुरा, श्रीनगर, जम्मू, पठानकोट, अमृतसर, कपूरथला, जालंधर, लुधियाना, आदमपुर, भठिंडा, चंडीगढ़, नल, फलौदी, उत्तरलाई ते भुज सने उत्तरी ते पच्छमी भारत च कई सैन्य ठकानें गी निशाना बनाने दी कोशिश कीती। इनें गी इंटीग्रेटेड काउंटर यू.ए.एस ग्रीड ते वायु रक्षा प्रणालियें निष्प्रभावी करी दित्तां इनें हमलें करी बिखरे दा मलबा कई थाहरें पर लब्बा'रदा ऐ जेदे कन्नै पाकिस्तान दे हमलें दी पुष्टि हुंदी ऐ। अज्ज बडुलै भारती सशस्त्र बलें पाकिस्तान दे एयर डिफेंस रडार्स ते सिस्टम्स गी नशाना बनाया। भारती फौज आसेआ पाकिस्तान दी कार्रवाई दा शैल बनकाइयै परता दित्ता जा'रदा ऐ।

<><><><><><>

### PM High Civil Meeting

प्रधानमंत्री नरेंद्र मोदी होरें अज्ज सरकार दे बक्ख-बक्ख मंत्रालय ते मैहकमे दे सचिवें कन्नै इक्क उच्च स्तरै दे मीटिंग दी अध्यक्षता कीती। इस दौरान राष्ट्रीय सुरक्षा सरबन्धी हाल दी घटनाएं सरबन्धी राष्ट्रीय तैयारियें ते अंतर मंत्रालय तालमेल बारै जायजा लैता गेआ। मीटिंग दौरान श्री मोदी होरें संस्थागत प्रतिरोध समर्थ ते परिचालन सरबन्धी निदंतरता गी बनाई

रखने लेई एजेंसिएं ते मंत्रालय बशकार तालमेल बनाई रखने बारै जोर दित्ता गेआ। उनें मौजूदा हालात कन्नै निब्वड़ने लेई मंत्रालय दी योजनाएं ते तैयारियें दा बी जायजा लैता। प्रधानमंत्री होरें लगातार चौकसी, संस्थागत तालमेल ते साफ-स्पष्ट संचार सरिस्ते दा आह्वान कीता कीजे राश्ट्र संवेदनशील समें चा निकला करदा ऐ।

<><><><><><>

### MEA-Briefing

विदेश सचिव विक्रम मिसरी होरें आखेआ ऐ जे पाकिस्तान दी कुल संसारी आतंकवाद दे गढ़ दे तौर पर पंछान कई घटनाएं पर आधारित ऐ। उनें अजज संज्ञा नमीं दिल्ली च आखेआ जे मिगी एहू चेत्ता नेआने दी लोड़ नेई ऐ जे ओसामा कुत्थे लब्बा हा ते कुन्नै उसी शहीद आखेआ हा।

<><><><><><>

### Defence-Minister

भारतीय हथियारबंद बलें आपरेशन सिंदूर च उच्च गुणवत्ता आहले उपकरणें दा इस्तेमाल कीता ऐ जेदे कन्नै पाकिस्तान ते पाकिस्तान दे नजैज कब्जे आहले कश्मीर च बड़ी मती गिनतरी च आतंकवादी मारे गे। रक्षा मंत्री राजनाथ सिंह होरें आखेआ जे हथियारबंद बलें जिस चाल्ली पाकिस्तान ते पाकिस्तानी कब्जे आहले कश्मीर च आतंकी कैप तबाह कीते ओहू मुल्खै लेई फक्र दी गल्ल ऐ। अज्ज नमीं दिल्ली च राश्ट्रीय गुणवत्ता सम्मेलन च भाषण दिंदे होई उनें आखेआ जे मुल्खै दे हथियारबंद बलें गी बहादुरी ते दलेरी कन्नै कार्रवाई करने लेई ममारखां।

<><><><><><>

### Govt. OTT

सरकार नै भारत च कम्म करने, ओ.टी.टी ते मीडिया स्ट्रीमिंग प्लेटफार्मे गी पाकिस्तानी वेब सीरिजें, फिल्में ते होर सामग्री पर तुरत प्रभाव कन्नै रोक लाने लेई आखेआ ऐ। सूचना ते प्रसारण मंत्रालय नै पहलगाम आतंकी हमले मगरा राश्ट्री सुरक्षा गी ध्यानै च रखदे होई एहू सलाह जारी कीती ऐ।

<><><><><><>

### All Party Meet

आपरेशन सिंदूर गी लेइयै अज्ज सद्दी गेदी सब्बनें पार्टियें दी इक्क मीटिंग च सब्बनें सियासी पार्टियें आतंकवाद खलाफ भारती सेना दी जवाबी कार्रवाई दी तरीफ कीती ते इक्क रा कन्नै अपना समर्थन जाहिर कीता। रक्षामंत्री राजनाथ सिंह हुंदी अध्यक्षता च संसद च होई दी इस मीटिंग च बक्ख-बक्ख पार्टियें दे दर्जन भर कोला मते लीडर शामिल होए। राजनाथ सिंह होरें पाकिस्तान ते पाकिस्तान दे नजैज कब्जे आहले जम्मू-कश्मीर च 9 आतंकी ठकानें पर भारत दे हमले बारै जानकारी दित्ती। संसदीय मामलें दे मंत्री किरें रिजिजू होरें मीटिंग दे मगरा

समाचार माध्यमों में भी जानकारी दे रहे हैं। इस मीटिंग में रचनात्मक दस्ते आते आते हर लीडर को मुखौटे के सामने मौजूद मौजूद चुनौती भी समझ रहे हैं जिम्मेदारी कौन अपने विचार प्रकट कीते।

<><><><><><>

### Punjab-Intruder

सीमा सुरक्षा बल-बीएसएफ ने आज बड्डालू में फिरोजपुर सेक्टर में एक पाकिस्तानी घुसपैठिए की मारी मकाया है। बीएसएफ के सूत्रों ने जानकारी दी है कि वह घुसपैठिया ने दा फैयदा ठोकरें दे रहे हैं पर तारबंदी आहली बख्शी अगड़े बंधे करदा है जिससे कि स्टाइल सौहार्द जवानों के पहले उसी ललकारे आ पर जिससे कि ओहू नेई रुकेया तां उनें गोली चलाइयै उसी ठेर करी दित्ता। ओहदी लोथ भी पुलसे के हवाले करी दित्ता गेआ है। तोआई, अटारी आहला बन्ना, जिसी कल रिट्रीट समारोह दिखने औने आहले लोके लेई बंद करी दित्ता गेआ है, उसी अगले हुकूम तोड़ी बंद रक्खेआ गेदा है। एहदे अलावा फिरोजपुर में हुसैनीवाला के फाजिल्का में सड़की बन्ने भी बंद रक्खेआ गेदा है।

<><><><><><>

### Civilian-Cremated

पुंछ जिले में जंदे रोज पाकिस्तान की तरफ कीती गेदी गोलीबारी में जान मोहाने आहलें के नडोए में जहरें की गिनतरी में लोक शामिल होए। पाकिस्तानी बलें आसेआ नियंत्रण रेखा के पारें थमां विजन उक्सावे के कीती गेदी इस गोलीबारी करी होए के जानी के माली नुकसान पर इलाके के लोके में बड़ा मता रौह रौसा है।

<><><><><><>

### LoC-Firing

पाकिस्तानी सेना आसेआ कल रातीं कब्जा रेखा कौन लगदे 4 सेक्टरों में गोलीबारी कीती गई। एहदा भारतीय सेना आसेआ बनकदा परता दित्ता गेआ। पाकिस्तानी सेना आसेआ कल भारी हथियारों कौन गोलाबारी कीती गई है। एह गोलाबारी भारत आसेआ चलाए गेदे अभियान सिंदूर मगरा होई। आज पाकिस्तानी बलें 4 सेक्टरों में गोलीबारी कीती।

<><><><><><>

### Flight-Candle

नमीं दिल्ली के इंदिरा गांधी अंतरराष्ट्रीय ब्रह्मांड अड्डे थमां आने-जाने आहली 90 उड़ानां आज बड्डालू 8 बजे थमां दपैहरी 2 बजे तगर रद्दी कीतियां गेइयां। इन्डे में 11 अंतरराष्ट्रीय के 79 घरेलू उड़ानां शामिल हियां। एहदे थमां पैहले आप्रेशन सिंदूर के बाद जम्मू, श्रीनगर, लेह, जोधपुर, अमृतसर, भुज, जामनगर, चंडीगढ़ के राजकोट थमां कई घरेलू उड़ानां शनिवार तगर रद्द करी दित्तियां गेइयां हियां।

## PM-Brazil

ब्राजील दे राष्ट्रपति लूला डी सिल्व्वा होरें अज्ज प्रधानमंत्री नरेंद्र मोदी हुंदे कन्नै गल्लबात च पहलगाम आतंकी हमले च मारे गेदे लोकें प्रति अपनी संवेदना प्रकट कीती। उनें आतंकवाद खलाफ लड़ाई च भारत दे कन्नै समर्थन ते इक्कजुटता प्रगट कीती। श्री मोदी होरें राष्ट्रपति लूला हुंदा धन्नवाद कीता। दोनें नेताएं भारत-ब्राजील द्विपक्षीय रणनीतिक सांझेदारी गी मजबूत करने दी अपनी प्रतिबद्धता दोहराई। प्रधानमंत्री होरें ब्राजील गी इस बरे ब्रिक्स दी सफल अध्यक्षता लेई शुभकामनां दित्तियां।

<><><><><><>

## Jaishankar Inran FM

विदेश मंत्री डॉ. एस जयशंकर होरें आखेआ ऐ जे पहलगाम आतंकी हमले नै भारत गी बन्ने पार आतंकी ढांचे पर कार्रवाई करने लेई मजबूर करी दित्ते दा हा। उनें आखेआ जे भारत दी प्रतिक्रिया पूरी चाल्ली नपी तुली दी ते ऐन सटीक नशाने पर ही नां कि सिविल अबादी जां फौजी ठकानें पर ते स्हाड़ा मकसद कुसै बी चाल्ली हालात गी बगाड़ने दा नेई हा। डॉ. जयशंकर होरें आखेआ कि जेकर भारत पर कोई फौजी हमला होंदा ऐ तां एहदे च कोई शक नेई होना लोड़चदा जे भारत पूरी तगड़ेयाई कन्नै ओहदा शैल बनकाइयै परता देग। अज्ज ईरान दे विदेश मंत्री डॉ. सर्ईद अब्बास अरागची हुंदे कन्नै 20मीं भारत ईरान संयुक्त आयोग बैठक दी सांझे तौरा पर अध्यक्षता करदे होई उनें एहू गल्ल आक्खी। एहू बैठक भारत ईरान मित्तरी समझौते पर दस्तखत करने दी 75मीं बरे गंड दे मौके पर लोआई गेदी ही। डॉ. जयशंकर होरें आखेआ जे अरागची ऐसे समें पर भारत आए न जिसले स्हाड़ा मुल्ख 22 अप्रैल गी केंद्र शासित प्रदेश जम्मू-कश्मीर च होए दे आतंकी हमले दा बनकदा परता देआ'रदा ऐ।

<><><><><><>

## LoC

पाकिस्तानी सेना आसेआ कल रातीं कब्जा रेखा कन्नै लगदे 4 सैक्टरें च गोलीबारी कीती गई। एहदा भारतीय सेना आसेआ बनकदा परता दित्ता गेआ। पाकिस्तानी सेना आसेआ कल भारी हथियारें कन्नै गोलाबारी कीती गई ही। एहू गोलाबारी भारत आसेआ चलाए गेदे अभियान सिंदूर मगरा होई। अज्ज पाकिस्तानी बलें 4 सैक्टरें च गोलीबारी कीती। एहू सैक्टर न जम्मू, कुपवाड़ा, बारामूला ते उड़ी सैक्टर। तोआई, तनाव दे बददे माहौल गी दिखदे होई प्रशासन नै जम्मू खेत्तर दे 5 सीमांत जिले जम्मू, कठुआ, साम्बा, राजौरी ते पुंछ च सब्बनें शिक्षण संस्थान अज्ज दुए ध्याड़े बी बंद रखने दा आदेश दित्ता गेदा ऐ। जम्मू खेत्तर च प्रशासन नै सब्बै 10 जिलें च 24 घंटे चलने आहले कंट्रोल रूम स्थापित कीते न। भारत ते पाकिस्तान बश्कार 25 फरवरी 2021 गी सीजफायर समझौते गी दोबारा लागू करने दे बाद कब्जा रेखा ते अंतरराष्ट्रीय सीमा पर सीजफायर उल्लंघन बड़े घट्ट होए न।

<><><><><><>

### Uttarakhand Killed

उत्तराखंड दे उत्तरकाशी जिले च गंगोत्री राश्ट्री जरनैली शिड़कै पर गंगानानी इलाके च अज्ज बड्डलै इक प्राइवेट कंपनी दा हैलीकाप्टर हादसे दा शिकार होई गेआ। स्हाड़े संवाददाता नै जानकारी दिती ऐ जे बड्डलै कोई पौने 9 बजे पेश आए दे हादसे च पाइलेट समेत 6एं जनें दी मौत होई गई ऐ जिसलै जे इक दे घायल होने दी बी खबर ऐ। मरने आहलें च 4 मुम्बई ते 2 आंध्र प्रदेश दे दस्से जा करदे न। हैलीकाप्टर देहरादून दे सहत्रधारा थमां उत्तरकाशी दे खरसाली हैलीपैड लेई जा करदा ह। उत्तराखंड दे गवर्नर गुरमीज सिंह ते मुख्मन्त्री पुष्कर सिंह धामी होरें हादसे पर गैहरा दुख प्रगट करदे होई सौगी परोआरें कन्नै हमदर्दी जताई ते हादसे दे कारणें दा पता लाने दा निर्देश जारी कीता ऐ।

<><><><><><>

### Russia-Ukraine

राष्ट्रपति व्लादिमीर पुतिन हुंदी विजय दिवस युद्ध विराम दी घोषणा दे बाद रूस नै युद्ध स्थगित करी दिता ऐ। एहू अज्जै थमां प्रभावी होई गेआ ऐ। श्री पुतिन होरें विजय दिवस समारोह दे मौके पर यूक्रेन च चला रदे विशेष सैन्य अभियान गी 72 घंटें लेई रोकने दी घोषणा कीती ही। इस सप्ताह दे शुरूआत च रूस दे प्रवक्ता दिमित्री पेसकोव होरें आखेआ हा जे रूस विजय दिवस युद्ध विराम दे बाद शत्रुता खत्म करी देग पर रूसी ठिकानें पर यूक्रेन दे हमला करने पर बनकदा जवाबी परता दिता जाग। तोआई, यूक्रेन दे सैनिकें कल रूसी शहरें पर बड्डे पैमाने पर ड्रोन हमले कीते।

<><><><><><>

### Gadkari-Public Transport

शिड़क ट्रांसपोर्ट ते जरनैली शिड़कें सरबन्धी मंत्री नितिन गडकरी होरें आखेआ ऐ जे सार्वजनिक ट्रांसपोर्ट सरिस्ता मुल्खै च समें दी मंग ऐ। मंत्री होरें नमीं दिल्ली च इंडिया इंफ्रास्ट्रक्चर फोरम 2025 च भाषण दिंदे होई आखेआ जे इक बहू आदर्श सरिस्ते च नागरिकें गी सार्वजनिक ट्रांसपोर्ट दी बरतून करने दी अपील कीती जानी लोड़चदी ऐ। श्री गडकरी होरें पूंजी निवेश आहनने, कारोबार दे विकास ते रोजगार पैदा करने लेई बुनियादी ढांचे दी भूमिका पर जोर पाया। श्री गडकरी होरें बक्ख-बक्ख स्थूलतें कन्नै लैस फ्लैश चार्जिंग बसां शुरू करने दे सरकार दे नजरिये दा बी जिक्र कीता। उनें जानकारी दिती जे एहू बसां आर्थिक तौरा पर व्यवहारिक न।

<><><><><><>

## Gadkari-Vehicles Manufacturing

केंद्री शिडक ट्रांसपोर्ट ते जरनैली शिडकें सरबंधी मंत्री नितिन गडकरी होरें अज्ज आखेआ ऐ जे भारत हून दुनिया च त्रिया सब्भनें कोला बड्डा गड्डियें दा निर्माण करने आह्ला मुल्ख बनी गेदा ऐ। श्री गडकरी होरें एहू गल्ल नमीं दिल्ली च लग्गे दे चौथे अंतरराश्ट्रीय बीबीबी सम्मेलन ते बायोएनर्जी वैल्यू चेन एक्सपो गी संबोधित करदे होई आक्खी। उनें दस्सेआ जे मुल्खा दा आटोमोबाइल उद्योग लगातार बदा करदा ऐ। उनें आखेआ जे बक्ख-बक्ख चाल्ली दी गड्डियें दी मंग बदा करदी ऐ ते कन्नै गै आटोमोबाइल दे विकास कारण जीवाश्म ईंधन दी खपत बी बढोग। मंत्री होरें आयात गी घट्ट करने ते निर्यात गी बढाने दी जरूरत पर जोर दिता। उनें एब्बी आखेआ जे राईबाई आर्थिक तौरा पर बड़ी व्यवहारिक नेई ऐ इस लेई मुल्खै दे राईबाई आहले सरिस्ते गी आर्थिक तौरा पर व्यवहारिक बनाने दा समाधान जरूरी ऐ।

<><><><><><>

## Weather

मौसम विभाग नै अगले 5 दिनें दौरान उत्तर-पश्चिम ते मध्य भारत च बरखा कन्नै गरज ते तूफान, बिजली पौने दी पेशगोई कीती ऐ। मौसम विभाग नै आखेआ ऐ जे इनें खेत्तरे च अज्ज भारी ऐन गढे ते तेज ब्हा चलने दा बी अनुमान ऐ। पूर्वोत्तर भारत च बी 11 मई तगर मूसलाधार बरखा ते गरज कन्नै बिजली पौने दी मेद दस्सी गेई ऐ। मौसम विभाग नै अज्जै थमां पूर्व भारत च गर्मी दी नमीं लैहर शुरू होने दे बी क्यास लाए न। ओडिशा, तमिलनाडु, पुदुच्चेरी, करैकल, केरल ते माहे च गर्म और आर्द्र मौसम बने रौहने दी आशंका ऐ। अगले 3 थमां 7 दिनें तोड़ी उत्तर-पश्चिम ते पूर्व भारत च बद्दोबद् तापमान च 3 थमां 5 डिग्री सेल्सियस तोड़ी दा बाद्दा होई सकदा ऐ।

<><><><><><>